

## حازم شومان

الآخوة انها مش عارفة تعيش الطريق مش مرسوم قدام عينيه. عشان كده الكلام اللي احنا بنتكلم فيه ده كل التركيز فيه ازاى تعيش يا ابني ازاى تفضل على الطريق ده بعد عشر سنين تعمل ايه لربنا سبتك؟ احنا عندنا مصيبتين. مصيبة عدم السبات ما فيش حد يبسبت. الجلسة الاسبوعية فى مسجد - 00:02:51

آ صابر ناصر من ثلاث سنين كان مين اللي فيها يا عم الشيخ احمد؟ كان في حد من دول فيها؟ كان فيها ناس تانية خالص. الوقتي ناس تانية خالص خالد مصيبة التسرب الالتزامي والتسرب الحركي. مش معناه ان الاخ آ يا جماعة احنا ما بنسبتش يعني مركب الدعوة - [00:03:11](#)

ماشية ما بتقفش وعلى طول بيتجندف وبتمشي. انما المصيبة ان كل ما ما تغمض عينك وتفتحها تلاقي اللي بيحذف ايه؟ ناس غير اللي كانوا قبلهم في اول مصيبة موجودة عندنا مصيبة السبات. انك انت تلاقي موقع الطريق الى الله. ما شاء الله لا قوة الا بالله.

مستمر. انما كل خمس سنين ممكن تلاقي - [00:03:31](#)

شغالين فيه غير غير التانيين. جماعة خير زاد ممكن تلاقي بعد ثلاث سنين اللي شغالين فيها غير اللي كده وشغالين. هو فيه ايه يا جماعة؟ المراكب ما بتقفش. الدعوة في المسجد ما بتقفش - [00:03:51](#)

نشاطات صنائع المعروف ما بتقفش. انما كل سنة تلاقي الاخ اللي شغال على الاسر غير الاخ اللي بعد كده او كل سنتين ثلاثة. كل

خمس سنين تيجي تبص على الاخوة اللي في - [00:04:01](#)

صابر نصر كده قال لها فلان فين؟ اه ده سافر عقد عمل. طب وفلان ده اه بقيت شغال بقى وهو شغال من تمانية الصبح لاتناشر بالليل طب ما ييجي ساعة الفجر لأ ما بيقدرش. طب وفلان - [00:04:11](#)

زعل يعني ايه اتقفل من واحد كده والتاتين خبطوا في بعض وزعل. وفلان اصل هو كان عمل مشكلة كده مع مراته فقام اخ مش عارف ايه فقام اتنفس وقال ازاي يتدخل في مشاكله الخاصة وزعل وطفش. طب وفلان اه اصل فلان ده بقى مراته صاحبة مرات

فلان. فالتاتين ولعوا في بعض - [00:04:21](#)

قام الاخين حاصل فيهم ايه؟ ابو الاخين مولعين في بعض. ما هو الستات هتسوقنا بقى. الكلام اللي انا باقوله لكم ده الاف الاخوة سابوا الطريق بسببه. انتم فكركم ان انا باقول لكم كلام لا - [00:04:41](#)

الاف مؤلفة سابت الطريق بسبب لعب العيال اللي انا بقوله دهو عشان كده يا جماعة اكبر مشكلة عند تيار الاسلامي وبالزات اليتامى الغلبة اللي زيكم دهت ها اكبر مشكلة عند التيار السلفي لو انت عايزني اجيب لك كلمة بالزبط - [00:04:51](#)

لان الباقي بيبقى له ناس عيشاله اكبر مشكلة عند الاخوة انه مش عارف يعيش. عشان كده لما اقول لك الوقت اقعد الجلسة اقعد اسمع يا ابني انا قاصد انك تسمع حتى لو انت لو انا قعدت معك امبارح وقلت لك كل الكلام اللي انا هقوله دهوت اقعد اسمع برضو.

قعدتك دي مهمة لك الى ان يموت اللي قاعد على الكرسي - [00:05:11](#)

اللي قاعد على الكرسي ده فلان فلان فلان. انك انت تقعد تسمع كبار الصحابة. اقرأهم فلان اعلمهم بالحلال والحرام فلان. افرادهم فلان قاعدين في مجلس النبي عليه الصلاة والسلام رغم انهم قعدوا مجموعات خاصة مع النبي. والا ازاي ده بقى اقرأهم؟ وازاي ده

خد سبعين سورة؟ وازاي ده بقى اه عالم في القراءات - [00:05:31](#)

وازاي ده بقى افرادهم؟ وازاي ده بقى اعلمهم بالحلال والحرام؟ هو الجلسة العامة بتخرج كده لأ الجلسة العامة دي سوابت الدين عموميات الدين اصول الدين. انما اللي خرج كده جلسات خاصة. ومع ذلك لم يستغني عن الدرس العام. لم يستغن عن - [00:05:51](#)

المجلس العام لم يستغني عن الدرس الوز العام بتاع دكتور عبدالرحمن الصاوي في الجمعية. لم يستغن عن الدرس العام بتاع الشيخ احمد جلال في الصديق. لم يستغني عن الدروس العامة الى ان مات - [00:06:07](#)

الدروس العامة دي ترابط الصف كله. ترابط الصف كله لو الموضوع بقى كل عشرين اخ في منطقتهم قفلوا على نفسهم في مسجد المنطقة. واخوة البلد ما شافوش بعض في الدروس العامة بقينا عاملين زي ايه؟ عاملين زي كبد مرمي في حطة وكل مرمية في حطة

وطحال مرمي في حطة وفشة مرمية في حطة - [00:06:17](#)

عارفين الفشة اللي هي الايه؟ ايه؟ الفشة اللي هي ايه؟ الرئة ايوة ايوة كده ماشي يا عمرو ها يبق الفشة اللي هي الرئة. يبقى انا كنت بقول ايه ياد اليوم الابيض؟ الدرس العام ببقى جسم واحد. فيه كلية - [00:06:37](#)

في الحطة هنا وفي آ آ فشة عند الشيخ تامر وفيه عند آ دكتور عمرو في الفيومي مش عارف ايه وفيه في آ صفطاوي مش عارف

ايه اما بتقابل مع بعض في حاجة عامة بقينا جسم واحد يا جماعة. نقدر نتكامل نقدر نقوم بما يقوم به الجسد. انما احنا الوقتي

شوية ايه - [00:06:57](#)

شوية ايه؟ شوية ايه؟ شوية شلينات شوية شلينات ما انتاش عارف تعمل حاجة. العلمانيين قاعدين يعني في برامج التوك شو تمانية وعشرين قناة توك شو ليل نهار هدم في ثوابت الدين. هدم في رموز الدين. عارف ترد عليهم - [00:07:17](#)

ما انتاش عارف عارف ليه؟ لانك حنة شلة امتى هتبقى جنيه مجمد؟ امتى هتبقى متين جنيه مجمد؟ انتم هنا في المنطقة بقيتوا عشرة جنيه مجمدة دلوقتى تعرف تجيب حاجة تعرف تجيب سندوتشين بغل وحاجة ساقعة وبتاكل بسكوت تعرف ايه بحاجة. في الدرس العام بقى بقيتوا ورقة بميتين جنيه. تعرف تعمل حاجة اكبر. فهمتوني يا اخواني - [00:07:36](#)

يبقى لما اقول لك اقعد يبقى تقعد. القضية مش ان الدرس من سزاجة كثير من الاخوة انه يقول لك هو الدرس سخن ولا مش سخن؟ الدرس يا ابني درس يا ابني انت مش عايش. يا ابن - [00:07:56](#)

نتعلم كيف وانت جاي عشان درس سخن. جميل جدا ان ربنا يرزقك موعظة. ربنا يهدي بها قلبك. وان شاء الله ما انتش هتخرج من غير رزق. ابدأ ابدأ ربنا هيجيب لك رزقك ويبعت لك رزقك ولو ارسل ولو لم يرسله على لسان الداعية هيرسله في قلبك بلا اسباب. لان ربنا شكور وانت اويت الى بيت الله - [00:08:06](#)

انت جاي لربنا مش جاي لفلان وفلان. انما القضية ان انت لازم تعرف انت جاي ليه انت جاي لان عدم حضورك ها لما الخلية تقول ده الجسم فيه الف مليار خلية وانا ملوه تقوم نطة من الجسم. والخلية دي يا عم قيمة جسمي فيه الف مليار خلية وتقوم ناطة من الجسم. والخلية في الاخر بقى في جسم - [00:08:26](#)

هو انت خلية وانت خلية وانت خلية هو انا خلية كلنا خلية. لما كل خلية بقت في حال سبيلها خربت. خربت بمعنى خربت اكبر مصيبة عندنا مصيبة عدم الاستمرار. ان الاخ ما بيكملش خمس سنين التزام. لا ده - [00:08:45](#)

ده في اخوة بقى لها خمستاشر سنة حبيبي خمستاشر سنة وبطيخة وجرنال وكروش وطالع من البيت نازل بيت. وانا عملت به ايه ده ولا كسبت منه ايه؟ ولا دين ربنا استفاد منه ايه - [00:09:05](#)

انا ما لي باللي بقى صورة ملتزم ده! انا باكملك التزام بحق وحقيقي. في اعتكاف رمضان تلاقيه في جهد عشر زي الحجة تلاقيه في النوازل والذين معه. كل نازلة النبي اتشتم. حصل مش عارف ايه. حصل نازلة. غزاة احتاجت مش عارف ايه واليهود بيضربوها. آآ زرع في النوازل حي. هو ده الاخ الحي. ما سوى ذلك - [00:09:15](#)

انت ميت ما ليش دعوة بقى يعني شكله ملتزم شكله مش ملتزم ده واحد ميت. يبقى عدم السبات وما فيش اخ بيستم في ما فيش اخ بيستم في الابه؟ في الالتزام - [00:09:35](#)

الايجابي خمس سنين. الا نادر خمسة في المية ولا حاجة. وما فيش اخ بيستم في الصغر في ثغر. عارف يعني ايه ثغر؟ يعني اخ ماسك صناعي معروف. اخ ماسك تحفيز اطفال - [00:09:45](#)

المسجد. اخ ماسك تربية اشبال. اخ ماسك جولته كلمات مسجد. ما فيش اخ بيستم في صغر سنتين. ده احنا في مصيبة يا اخواني انا بقول لك الكلام ده من باب قول الله فلما فصل طالوت بالجنود قال ان الله ايه؟ مبتليكم. ده بيسموه علماء التربية فقه الابه؟ او بيسمى - [00:09:55](#)

هيفكوا الابه؟ فكوا التحصين. ان انا اعرفك خد بالك يا ابني من اللي جاي. يا ابني الدنيا مش كلها بمب كده يا فرحيني بك وانت قاعد حواليا الوقتي. ويا سلام - [00:10:15](#)

شيخ بيكلنا عن آآ عن ازاي بقى الدين والعبادة وحبيب قلبي وانا عارف ان انا بعثها سنين مش هشوفك. هتخطفك النداه. فيه مليون نداه بقى تاخذك زي ما خدت غيرك. زي ما انا في المسجد ده من كذا سنة كنت قاعد وكان غيركم خالص واكثر منكم. قاعدين هفضل لحد امتى يا جماعة - [00:10:25](#)

ما فيش حد راكز. النبي عليه الصلاة والسلام ابو بكر معه واحد مكية. ابو بكر معه ثلاثة وسنة ثلاثة وعشرين في السيرة. ابو بكر معه

سنة عشرة هجرية. واقف ما فيش حاجة اسمها فلان اصل جا له فلان وفلان اصله سافر. وفلان اصل هو يا عيني اتجوز جوازة وطلعت وحشة يا عيني وابتلي ومراته ورته النجوم في عز دوره يعني ايه - [00:10:45](#)

نفسيا انتقل كده بقى ايه بقى منه لنفسه. وفلان اصل والله مش فاضي شغل الدنيا يا عيني بيجري وجري الوحوش وما فيش حد آ ده لبخ ده نفاق هذا نفاق - [00:11:05](#)

هذا النفاق يا اخواني المفاهيم دي احنا لو ما اتريناش عليها احنا بنبلخ احنا عايزين نشتغل وخلص احنا عاملين زي ايه عارفين جحا لما قام جايب ساقية ساقية كبيرة كده - [00:11:19](#)

وايه موصلها على الماية فالساقية تاخذ من الماية والساقية قاعدة تدور وعاملة صوت بشع. تاخذ من البحر وتقوم مرجعة البحر. فواحد بيقول له يا جحا حرام عليك انت عامل ساقية قاعدة تاخذ من البحر وترجع البحر. المفروض تاخذ من البحر وتدي في ارض. قال له يكفيني نعيبرها. كفاية صوت النعير بتاعها كده جحا - [00:11:29](#)

شغال يا جماعة. احنا هنفضل نضحك على نفسنا؟ ها الدعاة شغالين يا جماعة. الدعاء قاعدين جلسة في صبر نصر من خمس سنين كان اخوة ومن ثلاث سنين كان اخوة والنهاردة اخوة وبعد سنتين اخوة ده لابد احنا بنبلخ. انت يا ابني انت بتنتحر. الكلام ده انا باقوله لك ليه؟ عشان تفهم - [00:11:49](#)

اهم ان الثبات على طريق الدين عايز واحد فاهم ان الطريق مش سهل. عايز واحد فاهم قيمة الجنة. عايز واحد مستعد ان اي في حاجة تقطع عليه طريقه الى الله هو مكمل ومستمر. مش هيقطع علي طريقه الى الله حاجة. عايز واحد عارف قيمة الدرس العام اللي بيحضر فيه الداعية ويقابل اخوانه ويسلم على ده - [00:12:07](#)

عايز واحد عارف قيمة الجلسة الخاصة دي. دي جلسة خاصة. احنا في منطقة معينة وفي اخوة قاعدين في يعني جيران جنب بعض. الجلسة بتاعتكم دي وهي ديت دي صمام امان لحياتكم. انا بتكلم النهاردة يا جماعة عن نقطة جذور الصلاح والاصلاح في حياتنا. ازاي نعيش؟ قلت لكم ان المصيبة الاولى عندنا - [00:12:27](#)

ايه؟ عالم الايه؟ عدم السبات. المصيبة الثانية ايه بقى؟ هو طبعا المشكلة ان لو الاولى اتحلت فضلت الثانية. الثانية عدم الايه عدم الترقى عدم الترقى. ان ما فيش حد النهاردة - [00:12:47](#)

الاخ يعني ده احنا ده احنا بنحلم بنحلم ان الاخ اللي بيحفز الاطفال في منطقة صابر نصرها يعمل ايه؟ بعد سنة الاقيه بيعمل ايه قفص وبعد سنتين ايه وبعد ثلاثة وبعد خمسة وبعد سبعة ده احنا بنحلم. اللي بيكمل كم في المية - [00:13:06](#)

زي بالزبط اللي كمل في طريق طلوط وجنود. ان الله مبتلك بنار شربوا منه الا قليلا ايه؟ منهم. كانوا سبعين الف واحد. سبعين الف دقن. سبعين الف ملتحي ومنقبة يملوا العين كده حاجة يعني ايه جيش ارهابي رايح يحرر فلسطين. طلوعوا من النهر كم واحد؟ تلتمية واربعناشر - [00:13:26](#)

قعدت احسبها انا والباشمهندس ياسر ومش عارف مين انا مش متخيل النسبة. هم قاعدين يحسبوها تلت في المية. وانا عايز بالعافية اجيبها اربعة ونص في المية. يعني انا نفسي اضحك على نفسي وازود صفر في النسبة وتطلع اربعة ونص في المية. في الاخر اكتشفنا انها تلت في المية. او نص في المية - [00:13:46](#)

انت متخيل نسبة سبات الاخوة على الطريق والباقي تسرب التزامي. وتسرب حركي. تسرب. فين يا جماعة اللي كان شغال في الاطفال يا اخوانا الاطفال موجودين والشغل موجود. الحاجة الوحيدة اللي بتتغير ايه؟ الباشا اللي قاعد في النص يعلمه. ده اللي ايه؟ الايام دول - [00:14:06](#)

بالترقى بقى مصيبة عدم الترقى دي معناها ايه؟ انتم عارفين يا جماعة لو الاخ صبر بتاع سبع سنين في تحفيز الاطفال ده بيبقى ايه؟ اسمه في علم الادارة ايه؟ اسمه لبخ - [00:14:26](#)

لبخ. ليه؟ لان الصح ان الاخ السنة دي بيحفز. صح؟ السنة اللي بعدها بقى بيحفز اطفال خمسة وستة ابتدائي بعد ما كان بيحفظوها ثاني صح؟ في الدنيا بتزيد يا جماعة. هو انت لما بتروح اي مصلحة حكومية؟ اه فبتلاقي الموزف قاعد على الكرسي. بتروح بعد ثلاث

سنين بتلاقيه قاعد على نفس الكرسي بتلاقيه - 00:14:36

واحد تاني جه مكانه اوماله الموزف راح فين ؟ ده بقى المدير. لأ وبعد خمس سنين تلاقيه ما هوش قاعد على الكرسي هتلاقيه بقى مدير المصلحة كلها ليه ؟ اترقى. هو فيه حاجة اسمها ان انا هافضل في حنة واحدة! ده انا بترقى. والاخ الصغن الجديد هو اللي -

00:14:56

يمسك التحفيز مكاني وانا هبقى ايه هبقى المدير بتاعه صح ولا لأه وبعد كده وهكذا بقى يترقى لفين ده حسب جهننا في دعوة دين ربنا ده ممكن تترقى لحد ما يمسك تحفيزات الاطفال في في محافظة كاملة. لحد ما ما بقى شاييل القضية بقى كبير. قاعد يكبر.

فالمصيبة يا جماعة - 00:15:11

من الاخوة لا بتسبت ولا بتكبر. وتحسد الكلام بتاعي ده بيعقد. احسن حد منكم هو صايم يدعي علي ولا حاجة انا بفوقكم على الحياة. بفوقكم على الحقيقة عشان تواجهوا. انتم عارفين انتم عاملين زي ايه؟ كلنا عاملين زي ايه؟ عارفين - 00:15:31

عارفين اب تعب مرض وابنه لسه في تالته اعدادي ها فبقى والام محتاجة فلوس واخواته محتاجين فلوس. فبقى الولد اللي في تالته اعدادي ده مضطر انه يعمل ايه ؟ انه ينزل يشتغل. طب وهو صغير بس هو لازم يشيل المسؤولية. هو - 00:15:51

ده الواقع بتاعنا يا جماعة المسؤولية كبيرة. وانتم لازم تشيلوا مسؤولية. ولازم تفهموا ولازم تخافوا على نفسكم لان مش هتلاقي كل يوم واحد خايف عليك. للأسف الناس بتخاف على الدنيا. لو انت راح منك لو انت في الدراسة بتاعتك سيكشن راح منك هتلاقي

خمسمية واحد يقول لك يا ابني حرام عليك. يا ابني الدين مش كده - 00:16:11

يا ابني العمل عبادة يا ابني انما والله العظيم لو راح عليك الفجر سنة والله ما هتلاقي حد يقول لك انت بتعمل ايه. الدين رخص في الامة يا جماعة. فانت دين - 00:16:31

الدين ما عدش غالي عند الامة. فلما دينك هيروح ما حدش هيخاف عليك. لما دنيتهك هتبدأ تنزل هتلاقي فجأة ميكروفونات ماشية في الشارع الحقوا يا جماعة. فلان هيضيع. فلان ما حضرش كذا. انا عايز اقول لك ان دينك لو انت ما خفتش عليه ما حدش هيخاف عليه. فانت لازم تاخذ بالك من دينك ولازم تفهم ازاى تحافظ على دينك - 00:16:41

لازم تفهم قيمة الجلسة اللي بتقعدها كل اسبوع ده ايه لازم تفهم قيمة الصلاة اللي كل فجر بتصلوه مع بعض او كل عشرة بيصلوه مع بعض وبتشوفوا وشوش بعض. ده الملمح الوحيد - 00:17:01

الجنة اللي موجود على وجه الارض اخوانك دول ملمح هو الجنة هتلاقي فيها هتلاقي فيها شوية الرخام الجميل دهو اه ده الجنة طوبة ذهب وطوبة فضة وفي ذهب خالص وفي لؤلؤ خالص. وفي ما لا تعلمون خالص. هي الجنة فيها السجاد دهو. هي الجنة فيها المني والاسمنت دي. ما فيش حاجة من الدنيا دي هي الجنة فيها الماية - 00:17:11

يلي اللي كل سنتي تحطه تحت المرجوس تكون بتصبح ربنا على الكائنات الدقيقة اللي مالاها. الجنة ما فيش فيها الكلام ده خالص. الجنة دي حاجة تانية خالص. الحاجة الوحيدة من الجنة اللي من الجنة موجودة في الدنيا اخوك اللي قاعد جنبك. امسك فيه. كلبش فيه. احنا بندعي ربنا في اخر سورة البقرة بنقول ايه - 00:17:31

وايه؟ واغفر لنا وايه؟ انت بعدك عن اخوك بيضيع التلات دعوات دول عليك اعف عنا ها الاتنين صحابة لما اختلفوا مع بعض ايه اللي رفع؟ ليلة القدر ليلة العفو يبقى العفو راح. ها والتانية اغفر لنا لما اتنين بيتشاكلوا مع بعض كل اتنين وخميس بترفع الاعمال وربنا بيغفر لكل عبد الاتنين - 00:17:51

ايه متشاحنين يبقى اغفر لنا راحت. بعد كده ارحمنا. النبي عليه الصلاة والسلام وهو بيموت. قال لهم اتوني اكتب لكم كتابا. هملي واحد كلام لن وبعد. الصحابة اختلفوا مع بعض النبي قال قوموا عني. كان النبي ممكن يكتب كتاب ابن عباس بيقول في الرزية كل الرزية ما صرف رسول الله عن - 00:18:14

يكتب هذا الكتاب. ايه اللي صرف النبي انه يكتب هذا الكتاب؟ خلاف. وكان كتاب النبي بالنسبة لنا ايه؟ رحمة. يعني العفو راح بسبب الخلاف والمغفرة راح بسبب الخلاف والرحمة راعت بسبب الخلاف. يعني انت انت فاضل لك ايه في دينك؟ بعد ما العفو والمغفرة



والرحمة راحوا. فضل لك ايه في دينك؟ من غير اخوك - 00:18:34

فضلك ايه في دينك من غير اخوك؟ يبقى انت لازم تفهم قيمة اخوك. ها ما تزعلش بقى وآ دكتور حازم ده عمل لي بايه؟ بظهر ايدي الاستيكة على ظهر ايدي كده ونقل لي انت وحش يا ابني وخاصم طب خاصم طب والله ما عدت مكمك شغل العيال ده. يا ابني اخوك ده سروة عمرك - 00:18:54

كان يعني الله يرحمه كان لها اخت زمان آآ اخت زمانه ماتت الله يرحمها يعني فيوم ماتت انا كنت لسة صغنن كده فمش فاهم يعني ايه اخت مش فاهم يعني ايه اخ مش فاهم يعني ايه اذا فهمهم وراضي السنين انا ما زعلتش عليها لما ماتت غير يعني زعل اخ غلبته طبعاً يعني انما الزعل الزعل - 00:19:14

سنين بعد سنين زعلي على ابويا بعد ما مات ما يجيش واحد في الالف من زعله على ابويا دلوقتي. ليه لان كل ما بكبر بعرف ايه انت ابويا وانا صغير مش عارف قيمته. وانا صغير مش عارف قيمة اخويا. فانت كل زلك فانت ما تستناش انك - 00:19:34

تخسر اخوك عشان تعرف قيمته ما تستناش انك تخسر الجلسة الايمانية اللي بتجمع القلوب على بعضها عشان تعرف قيمتها. ما بتجيش يا عم تصلي العشاء معنا ليه مش اتفقنا ان العشاء صلاة ثابتة؟ والله اصل انا العشاء ببقى ايه ما ليش مزاج - 00:19:52  
عنده صدا. صلاة العشاء بيبقى ضافري بيوجعني. اصل انا العشاء بيبقى عندي يا ابني يا ابني دي سوابت حياتك حتى لا يصيبك ما اصابك حتى لا يصيبك ما اصاب الالف من قبلك. وان كان وقد مكروا مكروهم وعند الله مكروهم. وان كان مكروهم لتزول منه الاله؟

الجبال - 00:20:05

الجبال هنا ممكن تبقى الصحابة تزول. تزول يعني الاخوة دي تزول خالص. انا شفت جبال زادت. انا شفت حشود يوم ما التزمت من عشرين كان الواقع انتم فكركم ان الاخوة كتروم. هم زي ما هو نفس العدد يا ابني يلا. الناس مش راضية وهو نفس العدد -

00:20:26

هو نفس العدد هم نفس الخمسين اللي قاعدين في كل فسكيت. بس كل سنتين بيتغيروا لحد امتى يا جماعة؟ لازم نفوق. الحل ان احنا نفوق ايه؟ ان حد يخاف على - 00:20:46

ان حد يفهم ان القعدة دي جنة ونار. القعدة دي من سخونية شباب. القعدة دي مش حماس. القعدة دي مش قعدة حلوة وفي مسلا داعية بنحبه وجاي يتكلم القعدة دي جنة ونار. هتروح جهنم من غير صحبة سالحة. تزقك في طريقك لربنا. هتروح جهنم من غير حد يوجهك في طريق الدين - 00:20:56

دي السوابت اللي النبي ربي الصحابة عليها. ربي النبي ربي الصحابة على كده. عشان كده الصحابة ما كانوا بيحضروا جلسات النبي كده مجرد عواطف ده فكر. هو عارف هو بيعمل ايه؟ هم عارفين عشان كده بعد ما النبي عليه الصلاة والسلام عليه الصلاة والسلام مات كلهم عملوا ايه؟ كلهم عملوا نفس اللي النبي عمله. كل واحد راح بلد قعد في مسجد معين - 00:21:16

عمل فيه جلسة عمل فيه درس عام. عمل فيه نفس اللي النبي عليه الصلاة والسلام عمله ليه؟ لانه عارف ان هو ده الطريق. اه اه من ضمن الحاجات اللي احنا عايزين نتعلمها بقى - 00:21:36

ومن سوابت حياتنا ومن غيرها آآ انت حياتك كلها بايظة. من غيرها حياتك كلها بايظة هتحاول بقى تجيبها تجيبها تجي لها كده هتعمل مش هتعمل هتفضل دايم. وهتفضل حياتك بايظة وما انتاش عارف وقت العلم امتى. طبقت العبادة ازاي؟ طب اجمع ما بين الدعوة - 00:21:46

والاخواني ازاي؟ طب اعمل ايه؟ طب اشتغل صناعة المعروف ولا في آآ في موقع نت اسلامي ولا ولا اعمل لدين ربنا في الجولات والنزول للشباب في لكن ولدت كلمات مسجدية ولا اعمل ايه؟ عارفين يا جماعة راس حربة ظبط حياتك كلها هي ايه - 00:22:05  
ها راس حرب الزبط هتاكل ايه؟ ورد العبادة السابت المقدس. اللي احنا سميناها ايه يا دكتور دكتور محمد ايه؟ الحاجيم الحاء خاء ميم. الحزب الجهاد المقدس الحزب الجاد المقدس لما حد يمسكك تقول له انا تبع ايه؟ حزب الجهاد المقدس. الحزب ده ها -

00:22:23

بتبص هي تقول لك طب تعال يا حبيبي هنا هو بقى اقعد مع الحزب الجهاد المقدس بتاعك. الحزب الجهادي المقدس ده ورد ده اسم ورد العبادة اللي انت لازم تعمله اللي ربنا قال عليه في القرآن اصبر على ما يقولون. واذكر عبدنا داوود ذا الايدي انه اواب - [00:22:53](#)

ووهبنا لداوود سليمان نعم العبد انه اواب. انا وجدناه صابرا نعم العبد انه اواب الثلاثة في سورة واحدة ثلاث انبياء داوود وسليمان وايوب في سورة صاد ربنا ذكر قصة بطولة ثلاث انبياء. قصة - [00:23:13](#)

افعال عظيمة وبطولة تلت انبياء وعلل هذه البطولات بكلمة واحدة في قصة الثلاث انبياء. لما قال اذكر كان داود ذا الايد الايدي دا لم يذكر في القرآن الا مرتين مرة مع قوة الله والسماء بنيناها باي ومر مع داوود كأن الله اعطى لداوود - [00:23:33](#)

من قوته وكأن داوود كان يواجه الحياة بحول الله وقوته. اعبد البشر افضل قيام افضل صيام يأكل من عمل ايده ملك مربى داعية اوتي فصل القضاء ايه ده! كل ده! منين يا رب! زي الايدي دي جايها منين! العزيمة المهولة دي جايها منين! النبي عليه الصلاة والسلام كان اذا قام ايه لما - [00:23:53](#)

ام من النوم عشان يقوم الليل. كان اذا قام ايه؟ ها؟ وثب. كان اذا قام وثب عليه الصلاة والسلام. يعني مش الاخ بقى يقوم هو كده ايه ها الاخ يظبط لك ست منبهات بعد الموبايلات ما تطورت يظبط ست انوفات. يظبط منبه على الساعة اتنين عشان يقوم الليل - [00:24:13](#)

ايه قيام السابقين وبعد كده اتنين ونص لو ما نفعتشي وبعد كده الثلاثة لو ما جتشي وبعد كده الثلاثة ونص لو ما نفعتشي وبعد كده اربعة وبعد كده دخل في الخطر فيبقى اربعة - [00:24:33](#)

او عشرة واربعة وتلت. وبقي كمنبه على الفجر بقى خلاص. ولو اخ عاقل قوي يقوم عامل كمان منبه على ايه؟ عليه الصلاة والسلام قبل الشروق بعشر دقائق عشان يبقى برضو ايه لا الفجر ايه حاضر وفي الآخر بقى يعني لو الدنيا بازت يبقى في منبه بقى على معاد الكلية او لو معاد - [00:24:43](#)

شغل عشان الدنيا ما تبقاش ايه ما تبقاش راحت منه. طبعا كل المنبهات ديت بتروح الا منبه واحد بس. من غير منبه بيصحى والله. البيت كله. انت بتدرس يا ابني؟ ايوا انت - [00:25:02](#)

التكليف فكرتني ايه؟ الحمد لله والشكر لله. احنا برضو تعبنا اهلينا يا جماعة. احنا محتاجين بر والدين برضو يعني اللي الاخوة طريق اهلها في الدراسة وحش. يعني تعبد لله ببر والدين. يعني يتعبد لله ببر والدين في المذاكرة. انك انت بتبر امك وابوك. الشهادات ما عادتش بتقدم ولا بتأخر - [00:25:17](#)

انما ايه؟ المهم يعني احنا كنا بتكلم في ايه؟ احنا نفضل نحو ده. الحزب الجهادي المقدس انت هتودينا في داهية. هي الاخوة اللي زاكرتها فانا كنت بتكلم دلوقتي في حاجة مهمة جدا. اه طيب اولاً زي الايمن. زي اللي العزيمة الرهيبة دي جايها منين؟ الاخ - [00:25:37](#)

يقوم ليل وهو يقول لك انا تعبان طول اليوم يا راجل. ده انا حضرت محاضرة بعد الظهر. ساعات الظهر وبعد كده رحت اتغديتوا كان اكل تقيل اوي. كبس على نفسي بعد ما كلت. تعبت قوي في الاكل ده. وبعد كده نزلت حضرت درس. حضرت شفت بقى ورحت يا عيني تعبت يا عم رحت - [00:25:57](#)

التاكسي كان اتهمز في الطريق كده كذا كده ومعني التاكسي جيت بعد الدرس قعدت على الفيسبوك شوية واحد قرفني وقعد يجادل وانا اجادل فيه تعبت جدا فلما نمت نمت مش قادر مش شايف قدامي. فما عرفتش اصحى لقيام الليل. سيدنا داود كان بيرجع من الجهاد - [00:26:17](#)

ذا الايد يقوم قيام الليل. ذا الايد ورجل سار عن فراشه وبطائه. الناس كلها مقتولة من التعب في القتال وده واقف يصلي لله سبحانه وتعالى دول الرجاله. ده اللي هيتجاب زي الايدي دي منين يا رب؟ انه اواب. لولا الاوبة بتاعة سيدنا داود ما كانش جاب العزيمة دي - [00:26:36](#)

ايه ايه الاواب؟ اواب يا جماعة يعني الاواب دي في اللغة من اخصب الالفاز في اللغة لفظ الاول. يعني آآ التأويب ان تسيّر الابل من الفجر الى الغروب بلا توقف. الجهد الرهيب المستمر. التأويل التنافس. لما القافلة تقوم يلا تجري ونشوف مين هيسبق - [00:26:56](#) مسابقة روح منافسة القايبه الابل اذا ابت الى الماء معناها ان كل ليلة لازم تروح تشرب من الماية. ولا تموت العطش وبالي كل يوم له ورد عبادة. لو حصل زلزال ورد العبادة ما يروحش - [00:27:16](#)

لو وهو قاعد كده واحد جه مسلا بورد عبادة من العصر للمغرب. جه واحد قال الحق الحق يا فلان قال له ايه؟ قال له ده فيه حنة عروسة زي القمر. ها والحق تعال اتقدم لها الوقت - [00:27:32](#) والله لو جابوا لك لو الحور العين نزلت من جنبها. انا ما نايم من مكاني. مش لو عروسة حلوة في الدنيا. لو الحور العين نزلت من الجنة انا مش قابل مكانش - [00:27:42](#)

ورد مقدس الورد بتاعك يساع امتي بعد الفجر للضحى قعدته النهاردة اهو ده الفهم. انتم عارفين انتم عايزين ايه؟ شارب يا عم الشيخ الشغلانة اللي احنا شغالينها دي شغالينها ليه؟ شف شغلانة اسأل يا عم. جميل جدا. اللي قاله محمد ده هو كلمة جميلة جدا يا جماعة. سبحان الله عشان ربنا - [00:27:51](#)

ده الفرق بين اللي عنده ورد وبين الايه اللي ما عندوش بين اللي عنده ورد وبين الايه؟ وبين الاواب. هو ده الفرق بقى. انا وردي جلسة الضحى النهاردة لا والله. ليه اصل كان عندي كلية الصبح. طب امبارح لا والله راحت علي نومة. طب اول امبارح لا والله اول امبارح كان آآ وراه مذاكرة فكنت مضطر اصلي الفجر واطلع اطيّر - [00:28:19](#) طب اول اوله؟ لا لا لا لازي امال حضرتك بتعمل ايه؟ لأ هو يعني انا ان شاء الله لما بقعد بقعد انا لما بعبد بعبد ده ورد ده اسمه ورد - [00:28:46](#)

اما يجي رمضان بقى يشد فيه. اما يجي عشرة زي الحجة يشد فيه. كده بقى ده اسمه ورد. يوم فاضي ونايم كويس وما عندوش صدام. وواكل وشبعان وما فيش حاجة شاغلاه - [00:28:56](#) وما فيش حاجة مضايقه ونفسيته حلوة. والاخوة جت في اليوم ده وقعدت يقوم يعمل ايه؟ يقوم يقعدوا. لو طوافت كل الشروط الازهر تسعة الاف واتنين دي. يبقى ده الورد. انما - [00:29:06](#)

اللي لو السما نزلت على الارض مش هيسيب الورد بتاعه او ده معنى انه او اب. عشان كده ربنا جابها يعني حزب جهادي مقدس دي اواب مع سيدنا داوود افادت معنى واواب مع سليمان افادت معنا - [00:29:16](#)

مع ايوب افادت معنا مع سليمان بقى ربنا يقول ووهبنا لداوود سليمان. نعم العبد انه ايه؟ اواب انه نعم العبد انه ايه يبقى النشان اللي انت هتكسبه لو انت حافظت على ورد عبادة ثابت مقدس. ايه؟ انك تبقى نعم العبد عند الله سبحانه وتعالى. فربنا جاب - [00:29:32](#) بقى نموزج لورد سيدنا سليمان. اذ عرض عليه بالعشيق صفينات الجهات. العشيق ده وقت الورد. اه. بتاعه بيقتد من العصر للمغرب يسبح ربنا. سبحانه وتعالى. فوقت القرد ده عرض عليه عشرين الف فرس ها فشغل عن الذكر بهم. شف بقى الاواب الفرق بين اللي عنده ورد والاواب. اللي عنده ورد انا رايع الاقي - [00:29:52](#)

النهاردة زعلان خلاص مش مشكلة. الاواب دي مصيبة في الحياة. ده ما فيش حاجة اسمها حاجة تشغلني. انا مشغول انا مأزوم الفترة ديت صعبة اصل عندي مشاغل اصل انا ما نمتش كويس ما فيش الكلام ده. الاواب يا جماعة اللي هو بياخد نيشان نعم العبد ده اللي عنده وقت في اليوم ولو ساعة مسلا - [00:30:12](#)

من المغرب للعشاء لان انت عندك قيام الليل ينفع عندك من مغرب العشاء ينفع عندك من العصر للمغرب ينفع عندك جلسة الضحى تنفع عندك جلسة التهجير قبل الظهر تنفع سيدنا سليمان اذا - [00:30:32](#)

عليه بالعشي بالعشي الصافنات الجياد. فقال اني احببت حب الخير عن ذكر ربي. سيدنا سليمان صادق مع نفسه. فقال اني احببت انتم ايه؟ حب سيدنا سليمان صادق. سيدنا سليمان قال اللي انا عملته ده ده حب. ده تعلق قلبي بحاجة تانية. سيدنا سليمان ده الصدق بتاع - [00:30:42](#)



الواصلين دول اللي بيوصلوا. ده ده فقه الانبياء انه يقف مع نفسه ويصدق. ما يقعدش ينكر الامراض اللي جواه. ده واجه نفسه اني انتم مش احببتم الخير احببت حبا. ده حب. ده قلبي يجب الا يحب الا الله. ازاي ان ان انا حبي لعشرين الف فرس - [00:31:02](#) في غاية الجمال جياذ بقى اجود ما تكون والعروض الجميلة اللي بتعملها. ازاي تشغلني عن حب الله حب الله لازم يكون اعظم في قلبي من اي حاجة. اني احببت حب الخير عند - [00:31:22](#)

ذكر ربي حتى توارد بالحجاب ردوها علي خد قرار هاتوها. الملتزم اللي ما بياخدش قرارات في حياته مش هيعرف يتقدم. خد قرار ردوها علي كفاية فورا مش بيقعد بقى ايه انت عارف ان الفجر عندك بايز ما تقعدش بقى تسبب القصة ما تسببش نفسك. ما تسببش نفسك لحد ما تبقى من اهل قول الله فطال عليهم الامد - [00:31:32](#)

فقتست قلوبهم بخلص. سايب مشكلة الفجر وما يهمكش انك بتصليه. هتفاجئ انك بعد كده آآ عاد بيروح عليك ما هو اكثر من هذا وانت مش حاسس اصل يا جماعة هو سلم. اللي بينزل هينزل هينزل. يعني اللي مش هيقف مع نفسه ردوها عليه فطفق مسحاً - [00:31:52](#)

مسحها من حياته اما بالذبح واما بان وسمها ووهبها للجهد في سبيل الله. فطفق مسحاً بالسوق والاعناق الحاجتين اللي شدوا عينيه. ساقها الجميلة آآ سقى الجميلة اللي بتعمل بيها العروض بترفع رجليها وتقف على رجل ثانية ورقبتها الجميلة اللي كلها الشعر بقى رقبة الخيل بقى وهي بتجري والشعر بيطير كده ورا رقبتها حاجتين - [00:32:09](#)

اللي خطفوا قلبه طفق مسحاً بالسوق والاعناق. ولقد فتنا سليمان. يعني اوعى تفتكر انك انت هتعدى كده من غير امتحانات الامتحانات جاية والقينا على كرسيه جسدا. انك انت تبني العمل وبعد كده تلاقي غيرك مسكه - [00:32:31](#) وانك انت تشتغل في الدعوة وبعد كده ينسب الفضل لغيرك. ربنا بيطهر قلوب اوليائه من كل ما سوى الله. ثم اناب قال رب اغفر اللي وهب لي ملكا لا ينبغي لاحد من بعدي. هو كان عايز ملك ما فيش حد يؤتاه غيره ليه - [00:32:48](#)

كان عايز امكانيات لا يؤتها بشر بعده ليه حد عارف ليه؟ عشان يجاهد في سبيل الله جهاد لم يجاهدوا في سبيل الله بشر. انت عارف يا رب ادبني فلوس ما فيش - [00:33:05](#)

مخلوق ليوم القيامة يؤتى مسلها. ليه؟ عشان اطلعها كلها صدقة يبقى ما حدش تصدق في سبيلك زي في التاريخ. شف حب سليمان لله وصلوا لدرجة ايه؟ ها وفسخرنا له الريح تجري بامره رضاء حيث اصاب. سخرنا - [00:33:18](#)

الو الريح اه ضحى بالخيال ربنا ادى له ايه؟ الريح رضاء حيث اصاب دي الريح بتاعة سورة ايه؟ صاد. انما في سورة الانبياء ربنا وصف الريح بتاع سيدنا وصف ثاني. قال ولسليمان الريح ايه؟ لا هو شهر ورعاة شهر سورة سبأ. سورة الانبياء بقى سورة العبادة انت بتتكلم عن عبادة - [00:33:38](#)

ولسليمان الريح عاصفة تجري بامره الى الارض التي باركنا فيها اللي هي القدس. وكنا بكل شيء عالمين. يبقى الريح بتاعة سورة صاد ربنا وصفها انها رضاء رضاء يعني آآ يعني بتعبير بعض الاخوة زي ايه عارفين العربيات الجديدة اوي عارفين العربية اللي هي ايه يطلعوا منها كرسي وياخد الراجل من برة العربية ويقوم يدخله - [00:34:00](#)

جوة طالع له ها تقريبا البي ام الجديدة حاجة كده يعني. ها عارفين انت القصة ديت؟ فواحد صاحبي كان عنده عربية مش عارف اسمها ايه كده ها تقريبا يعني فيقول لي العربية دي تمشي على سرعة مية وسبعين كيلو انت مش حاسس انك ماشي على سوريا ستين كيلو. اهي دي رضاء. ان قمة السرعة وما فيش اي اهتزاز - [00:34:23](#)

ها امال عاصفة يعني ايه؟ عاصفة. سمعتم عن كلمة العاصفة؟ عاصفة. طب ايه الفرق بين ريح صورة صاد وريح سورة ريح صورة صاد فسخرنا له الريح تجري بامره رضاء ايه؟ حيس اصاب يعني ايه - [00:34:43](#)

في مشاورير الجهاد وهو طالع من فلسطين رايح يجاهد في سبيل الله. رايح ينشر الدعوة خدتوا بالكم؟ وكل افعاله اصابة وصواب حديس اصاب. انما الريح بتاع سورة الانبياء العكس. ولسليمان الريح تجري ولسليمان الريح عاصفة تجري - [00:35:03](#) بامر الله الى الاله الى الارض التي باركنا فيها اللي هي فلسطين. يبقى الريح وهو راجع من الجهات لفلسطين. يبقى ريحة صاد وهو طالع

من فلسطين لايه؟ يجاهد. انما ربح سورة الانبياء - 00:35:20

وهو جه راجع من الجهاد لفين؟ لفلسطين. فالرياح الاولانية رخاء ومنطلق في الجهاد ها بدون ما يحس بتعب وبدون مجهود انما الرياح اللي هي راجعة للارض المقدسة دي شوق الرياح شوق سليمان للارض المقدسة لسليمان ريحة عاصفة وهو - 00:35:33

فاجع عايز يرجع في عاصفة عشان يرجع لفلسطين بسرعة. عشان يرجع للقدس اللي احنا مفرطين فيها بسرعة. عشان يرجع للقدس اللي الوقتي الاعلام بتاعنا ماسك المجاهدين بتوعها ها شتيمه وبهدلة رغم ان دول اللي مرابطين على الثغر. بسرعة شوفوا الشوق بتاعه للارض المقدسة. شف الشوق بتاعه لفلسطين. شف الشوق بتاعه - 00:35:53

للارض التي بارك الله فيها للعالمين. غير ان ان لسليمان الريحة عاصفة كأن الرياح نفسها رايحة لسليمان عاصفة. الرياح نفسها بتحبها. سيدنا سليمان حب فكل حاجة حبته كل حاجة اقبلت عليه. فسيدنا سليمان معنى كلمة اواب لما عشرين الف خيل لو الخيل منهم بميت الف جنيه مش بمليون جنيه - 00:36:13

يبقى احنا بنتكلم في كام؟ اتنين مليار! احنا بنتكلم في حاجة رهيبه! ومع ذلك ضحى بها لله. ليه؟ لانها عطلته عن ايه؟ جلسة واحدة يا عم الشيخ عطلته عن ايه - 00:36:35

جلسة ضحى واحدة. ده الاواب بقى. ده الفرق اللي له ورد والاواب. عشان كده سيدنا ايوب بقى ربنا بيحكى لك وصف صبر ايوب الذي لا يصبر ما فيش حد هيبتلئ الاواب. سليمان اية في الرخاء لن يؤتها بشر بعده. وايوب اية في الضراء لن يبتلى به بشر بعده - 00:36:47

يعني لا حد هياخد اللي خده سليمان ولا حد هيؤخذ منه اللي اخذ من ايوب. سليمان نموزج للي ربنا ادى له كل حاجة ايوب نموزج للي ربنا خد منه كل حاجة. ده ربنا ابتلاه بده وده ربنا ابتلاه بده. والاتنين كانوا قمة في حب الله واية في حب الله. فالاتنين ما فيش. ايوب رغم - 00:37:07

في كل المرض اللي فيه والالم اللي فيه والابتلاء اللي فيه وموت كل ولاده وحرق كل ارضه وموت كل اغنامه ومواشيه. حاجة يعني سبحان الله العظيم ابتلاء يعني ابتلاء مهول. سيدنا ايوب ربنا يقول في الاخر انا وجدناه صابرا. انا وجدناه ايه؟ نيشان ما هو - 00:37:27

قل مين فينا اللي ياخذ النيشان ده؟ مين فينا اللي يصبر على قيام الليل كده ويصبر على العبادة؟ يصبر على اخوانه وقرفهم وغلاسة ده وغطاة الداو ومش عارف ايه اصبر على الدعوة رغم المشاكل اللي فيها ويصبر على طلب علم رغم المشاق اللي فيه. ويصبر على ويصبر على ده وفي الاخر انا وجدناه صابرا نعم العبد - 00:37:47

يا رب جاب الصبر ده منين صبر ايوب ده جابه منين؟ انه ايه ورد اوراد العبادة بتاعته اللي لو كان تركها اللي يتركها ما يقدرش يكمل. ما يقدرش يواصل. فمعنى انه اواب ده يا جماعة المعنى اللي احنا عايزين نوصل له بقى. في الاخر الكلمة اللي قالها - 00:38:07  
ابن تيمية عن الاوبة بتاعته. سيدنا ابن تيمية رحمه الله كان الورد الاساسي بتاعه ايه؟ حد عارف؟ الورد المشهور به قوي كان ايه؟ جلسة ضحى زي محمد بفضل الله يعني يعني ايه كانت جلسة الضحى. جلسة الضحى بتاعته كانت بتخلص حوالي الساعة عشرة الصبح كده. يعني ما كانش بيقتعد - 00:38:28

نصف الساعة وايه وايه حذاشر دقيقة قم يا عم الشيخ طب كمان اصبر دقيقتين الله اكبر. ابن عصيم قال حذاشر دقيقة خلاص يبقى حذاشر دقيقة. ها يبقى جلسة دعا كان بيخلصها تسعة عشرة الصبح. آآ وكان حد عارف كان بيعمل ايه في جلسة الضحى؟ بيزكر بس كان بيعمل حاجة واحدة - 00:38:48

بس في جلسة الضحى من الفجر لتسعة الصبح او عشرة الصبح. حد عارف ايه؟ حاجة واحدة بس. يقرأ الفاتحة. يقعد يقرأ الفاتحة من الفجر لحد الساعة تسعة بس دي كانت الورد الايه ورد الاستفتاح في الحياة بتاع ابن تيمية. وكان يقول شف بقى الكلمة اللي انا عايزين بقى نخرج بها - 00:39:08

به غدوتي. فان لم اتغدها سقطت قوتي عرفت قيمة الورد السابت انك لما ما تقعدش الورد السابت ما تبقاش اواب. ما تحافظش على

الحزب الجهاد المقدس بتاعك. حزب ورد بس بلفظ السنة. يعني ده اسمه الورد يعني. يعني الورد الجهادي يعني زي سيدنا داود من قوة قلبه في التسبيح الجبال سبحت معه. ده مش قاعد - [00:39:28](#)

بيتأوب ويبص في الساعة ومستني ميعاد جلسة ضحى يخلص امتى؟ مش قاعد يقوم الليل وايه قاعد يعمل راسه كده وقاعد يبص في الساعة القيامة يخلص امتى؟ ده ببجاهد انت في معركة ده مصحح - [00:39:55](#)

كل ذرة في قلبه في قمة اليقظة. والمقدس يبقى جنبه معنى انها حزب سابت لا ينقطع من مين في الصورة الاستمرار جنبه من مين احنا انه ورد سابت ما بيتقطعش ولا مرة جنبه من واحد. وان هو مقدم - [00:40:08](#)

بس مهما حصل لا يصرف عنه جنبه من واحد. وانه جهادي جنبه من واحد انه جهادي جنبه من داود. من جهاده في الذكر الجبال والترسة بتاعت معه. ما كانش قاعد آآ مش كده مش جلسة جحا - [00:40:29](#)

زي ما كنا بنقول ده جلسة ضحى بحق وحقيقي. وان هو مقدس جنبها من سليمان. لما عشرين الف خلع طالته مسحها من حياته. طفق مسح مسحها من مقدس ما فيش حاجة اسمها جا لي فرصة اصل مش عارف ايه اصل فلان عايزني اصل فلان لو اتصل بي ولا تفتح محمولك فيها اصلا. ولا تبص في محمولك فيها اصلا. مقدس - [00:40:46](#)

وجبنا معنى الاستمرار من صبر ايوب كان هيصبر تمتاشر سنة عن المرض ده ازاى؟ لولا ان هو بيقيدها كل يوم. ان هو ورد سابت. فاحنا عايزين الوير بصوا بقى يا جماعة الساعة اللي انا بكلمكم عنها ديت انا كلمتكم النهاردة عن قيمة ثلاث حاجات. وكلمتكم عن مصيبتين - [00:41:08](#)

ثلاث حاجات. اول حاجة ايه؟ قيمة الدرس العام. قيمة حضورك ايه؟ وقلت لك ان الدرس العام ده اللي بيخلي كل الناس اللي عايزة توصل لربنا بقوا جسده واحد وانك لو ما حضرتش الدرس العام انت خلية نطت من الجسم. وفاكر ان الجسم مليون الف مليار خلية تانية. وفي النهاية مصيبة - [00:41:28](#)

في النهاية احنا بنخربها على الدوا بتاعتنا. امتى الدرس العام؟ وان الصحابة قعدوا في الدرس العام بتاع النبي لآخر يوم. قعد فيه النبي عليه الصلاة والسلام. مش معنى انك ما تكبرش على الدرس - [00:41:48](#)

لو بكرة بقيت خطيب جمعة الشيخ محمد يعقوب كان يوصينا. يقول ثلاث خطب تطلع منبر وخطبة تحضر لحد. الخطبة اللي فاتت كنا كلنا فين؟ عند الشيخ مصطفى العدوي ها ديمنا الشرعية انك تحضر. ما تعمليش فيها شيخ - [00:41:58](#)

ها مش ده يقول لك يا شيخ وده يقول لك يا شيخ تصدق نفسك فيها. ما فيش لازم الى ان تموت تحضر وتسمع وتستفيد. مش كل اخ خلص لي كتيبين في العقيدة عمل لي فيها شيخ. وكبر على انه يسمع دا مصيبة. يبقى اذا قيمة حضور الدرس العام. لأ اصل انا عايز جلسة خاصة. الشيخ يعمل - [00:42:14](#)

هنا جلسة خاصة عشان انت عارف ان الاله؟ ليه يا حبيبي جلسة خاصة؟ طلب الخصوصية في التربية ده من امراض ده يدل ان الاخ ده مريض اصلا. انا اختارك - [00:42:34](#)

لجلسة خاصة انما انت ما بتطلبش جلسة خاصة. انا ارشحك لجلسة خاصة. زي ما النبي عليه الصلاة والسلام كده قاعد في الجلسة العام. بعد كده يلاقي معاز عبقرى في العلم. اه - [00:42:44](#)

ده ادي له فقه الحلال والحرام. يلاقي زيد ابن ثابت عبقرى في المواريس هاته ده. ادي له الفرائض. يلاقي ابي ابن كعب عبقرى في القراءة قراءة القرآن ولقطة التشكيل والبتاع هات ده علمه. النبي هو اللي بيختار - [00:42:54](#)

انما واللي اختاره يفضل يحضر في الدرس العام. يبقى الدرس العام ده علامة سلامة قلبك. قال تعالى واركعوا مع الركعتين انت عايز تبقى وخاص عن الناس ليه؟ عايز تبصوا تصدقوا بالله الكلام اللي بيتقال في الدروس العامة اخطر مليون مرة من الكلام اللي بيتقال في الدروس الخاصة. ليه؟ حد عارف ليه - [00:43:10](#)

محضر احسن ماشي ده ده بقى يعني ايه لو نزرنا بعين الشرع انما لو نزرنا بعين القدر حبيبي ان الدرس العام رزقه اوسع من هو رزق خمسمية زي رزق خمسين؟ فيه فتح من ربنا؟ فيه كرم من ربنا عشان الجماعة - [00:43:31](#)

ويشهد دعوة المسلمين ممكن واحد شاب جديد داخل مكسور قلبه عشان كسرة قلبي دهو اللي لسه جاي من المعصية جديد دهو ربنا يفتح فتح في الواظ هو نفسه مش عارف هو بيقول الكبد ازايا! يا ابني ده رزق ده يشهد دعوة المسلمين. ده بركة بقى بركة الجماعة بقى. آوى الى الله فاوى - [00:43:51](#)

الله! ده الدرس بتاع النبي عليه الصلاة والسلام في المجلس العام. ده ايواء ده معسكرات الايواء الربانية. انما اللي ما رضاش يحضر الدرس العام النبي عليه الصلاة والسلام قال عليه ايه؟ واما السالس - [00:44:13](#)

رد فاعرض الله عنه مش لعبة انا عايز اقول لكم يا جماعة ان التلات حاجات اللي انا باقول لكم النهاردة دول دول مش حماس شباب. مش لانك لسة طالب فاضي - [00:44:23](#)

مش لانك اليومين دول زروفاك مريحة يا بني دي جنة ونار هتهلك لو ما عملتهمش. رقم واحد درس العام. رقم اتنين ها اللي انا قلت لكم عليه النهاردة يا نهار اسود ومنيل بستين نيلة. ايوة اللي هو ايه يعني الجلسة السابعة - [00:44:35](#)

الجلسة السابعة اللي بقول لكم الشيطان قاعد دلوقتي يبص عليكم كده ويقول يا ترى مين في دول نقطة الضعف اللي هفشك التجمع ده من خلاهم عصام اجتمع قوم كل ما يجي كلمة اجتماع بيحصل فتح الا نزلت الساكنة غاشيتهم الرحمة حاشبتهم ايه ده عشان كلمة اجتمع - [00:44:54](#)

الجماعة رحمة والفرقة عذاب كلمة اجتماع اول ما بتيجي بيجي فتح بعدها على طول. على طول بيجي فتح. فانت الوقتي الشيطان عايز يعرف مين في دول اللي ايه؟ اللي ممكن يعمل منكش - [00:45:15](#)

اللي ممكن يقلب مدخلي فيقوم يحط شوكة في زور المنطقة بسببه ها يقعد بقى يشتم في الناس ويتعبد لله بستم العاملين فين لدين الله؟ مين فيهم اللي ممكن يايه يعمل خلافات ما بين الناس وبعضها وقتن ما بين الناس وبعضها؟ هو الشيطان قعد يدور. قاعد ينقي. ما هو ربنا بيصطف - [00:45:27](#)

والشيطان قاعد يختار بقى له جنوده. ربنا بيصطفى جندي له والشيطان بيختار جندي له. مين اللي ينفع هنا ابوظ الليلة دي بسببه؟ فالجلسة السابعة البنية الاساسية للاصلاح اللي انت خروجك عنها انت لا تتخيل انت بتعمل في نفسك ايه؟ انما يأكل الذئب من الغنم القاسية. انت بتهلك نفسك يا ابني - [00:45:47](#)

انزل اكرت مما تتصور ما انتاش عارف انت هتوصل لايه الجلسة السابعة كل منطقة لازم يبقى لها جلسة سابعة كل اخوة قرية لازم لهم جلسة سابعة كل ياخذ كلية لازم لهم جلسة - [00:46:08](#)

اكتسبت كل اخوة موقع نت اسلامي لازم نقول جلسة سابعة كل اخوة جمعية خيرية ناس ملتزمة لازم يقولوا جلسة سابعة لازم يا ابني لازم يا ابني الصالحين شوفوا بعض لازم اصل انا مشغول اصل انا والله عندي مرة اخ كنا قاعدين قاعدة كده كانوا ناس عاملين رابطة رابطة يعني رابطة خيرية وحاجات كده - [00:46:18](#)

يعني ايه كنت رايح مرة كده يعني ايه قاعد معهم قعدة باشجعهم يعني. فواحد منهم اتفقنا ان هو هيمسك ايه آ زي صنائع المعروف يعني ايه؟ ايه الناس اللي محتاجة - [00:46:38](#)

ايه اللي اصيب بشلل؟ ايه اللي اصيب بحاجة يروح بقى ايه يحاول يوصل له معونات كده. فبيقول لي في اخر الجلسة انا ما عنديش وقت. فانا ما لا يسعني غير اني اعمل حاجة واحدة بس - [00:46:48](#)

انا هشوف المكرويين ها ومش هاجي الجلسة بتاعة الايه الرابطة اللي هو فيها. قلت له لو ما عندكش غير وقت لحاجة واحدة بس سب المكرويين واحضر الجلسة. عارفين ليه؟ لان - [00:46:58](#)

لما ساب الجلسة وراح للمكرويين بعد شهور ساب الجلسة وساب الميكروب. انا مش بقول كده عشان قلبي قاسي على الفقرة اه انا بقول كده لان عارف ان هو لو ما قعدش يتشحن وسط اخوانه يضيع وهييجي له مرض الكبر. قعدتك واستغوارك دي حماية من -

[00:47:10](#)

من الله لك. حماية وترقية والجلسة تبقى عشرا عشرا. كل مرة ناخذ عشر ايات ونزيد فهم القرآن. ونحاسب نفسنا على الاعمال اللي

عملناها طول الاسبوع. وبتناقش في مشاكل بعض ونشوف الدعوة في المنطقة ازاى نعرف كل شاب في المنطقة طريق ربنا وننزل في كل قهوة في المنطقة. امبارح نزلنا جولة فضل ومنة الله سبحانه وتعالى حاجة يعني الواحد - [00:47:30](#)

لحد دلوقتي راح طابير. رحنا كحلة ورحنا القهوة اللي هي جنب آآ اللي هي جنب ولاد الشال دي اسمها ايه؟ ودخلنا بقى على قهوة البنا ولا مش عارف ايه ولفينا وعرفنا مين اللي شغال ومين اللي بيتدلج. عرفنا مين اللي شغله يدلع لما تزوح قهوة تلاقي مسلا - [00:47:50](#)

اخ مسلا في هولاك ده فلان جه واداه اداانا ورقة عن عشر ذي الحجة يبقى تعرف ان الاخ ده ايه؟ واما تيجي بقى منطقة تانية فيها بقى الاخ محمد مسلا ولا حاجة - [00:48:10](#)

وتلاقي الناس اول مرة يسمعو الموضوع يبقى معناها ان فلان ايه؟ نايم. نايم. فانت الجلسة السابعة ديت يا جماعة ديت حصن حياتك تالت حاجة شكلنا عليها ايه؟ الحاخا ميم الحاخا ميم الحاخا ميم اليايه - [00:48:20](#)

قول طلع صوتك بس كده الحزب الجهادي المقدس ورد العبادة السابت المقدس كل واحد منكم دلوقتي يحدد ايه الوقت؟ اللي عدم جلوسه فيه يبقى هو مات. يا جلسة الضحى وتبقى حاجة حقيقية. يا قيام الليل بعد - [00:48:40](#)

عشا وقبل الفجر حسب ترتيب وقتك. يا من العصر للمغرب. لازم تبقى جلسة حلوة مش لعبة. حاجة حلوة كده. تقعد امتى؟ جلسة برضه تقعد امتى؟ استاز محمد بتقعد امتى؟ بعد العشاء؟ بعد العشاء في قيام الليل يعني بعد العشاء - [00:49:00](#)

بصوا الدعوة ساعة ورد العبادة لعب. يعني لو جالك مهمة دعوية مش انا عايز مش قادر افهمكم بردو قيمة ده راس حربة حياتك ده لو باظ كل حاجة وراه باظت ده لو صح هتواجه نفسك قوتك هتبقى مليانة - [00:49:20](#)

ينقوا على العبادة وعلى الطاعة. وانت قاعد في الذكر وفي القرآن ربنا يرتب لك حياتك. دومك هيترتب. صحيانك هيترتب. حضورك الدروس هيترتب. هتخرج الحياة مقبل على الدعوة. مقبل على العبادة. مقبل على علم. مقبل على شئون دنياك نفسها. يا ابني دي جلسة الكيس - [00:49:40](#)

من دان نفسه حارب نفسه وقهرها واخضعها. دي معركة عشان كده خرج على قومه من اليايه؟ محراب. المحراب دي من لفظ الحرب هو كان زكريا بيحارب لم يعبد دي حرب يا ابني. انت جاهز لو جالك ملك الموت الوقتي تقول لا اله الا الله! انت جاهز الوقت لو الشيطان جه يشكك في دينك وانت بتموت - [00:50:00](#)

مش الامام الغزالي بيقول لك من الناس من يقينه راسخ. ومنهم من اذا شكك شكه. فتنة الممات ده تشكيك في العقيدة. انت جاهز للموت بيقين انت جاهز. انك انت لو اتقال الوقت يلا يا رجالة فلسطين هنطلع نجاهد في سبيل الله. انت جاهز انك تطلع ولا - [00:50:20](#)

انت عندك اليقين انك تجاهد يا ابني انت مش جاهز خالص انك تقابل ربنا خالص. انت مش واخذ بالك خالص. الوقت ده هو ده الوقت اللي هترزق فيه اليقين. والايامن الصادق والاخلاص. والصدق والعزم والنور. الوقفة خرج على قومه. على جاي من فوق - [00:50:40](#)

من علو انسان منور ونازل ينور حياة الناس. ده ميزة الورد اليايه؟ الثابت. ميزة الورد اليايه؟ الثابت يبقى ده تالت حاجة اتكلمنا عنها النهاردة الورد الثابت. الورد بتاعك امتى يا عم الشيخ؟ بعد العشاء يعني ايه بعد العشاء؟ قبل ما تنام ازاى يعني - [00:51:00](#)

يعني بيبقى ساعة ونص مسلا ما هو يا جماعة ما هو الورد ده كده الورد ده يعني يعني ده ساعة يعني من المغرب للعشاء ماشي يا عم. ده اخرك. ده اقل شيء. اقل شيء يا جماعة انت بتتكلم في ايه؟ هو انا - [00:51:20](#)

واحد يقول لك آآ انا بكح وبجيب بلغم واللواء زين يقول له خد آآ خد المضاد الحيوي خد فلموكس. ولون الفلوكس عامل زي الجير يعني ما عادش يعني خد فلموكس. فيقوم يجي بعد اسبوع يقول له خدت فلموكس وما ردتش. يقول له انت خدت قد ايه؟ يقول له انا جبت ازازة ازازة شرب - [00:51:40](#)

تركيز مية ستة وخمسين مللي. دي بتاعة الرضع اللي عندهم شهرين. انت يا ابني انت تجيب آآ حقنة فلوموكس تركيز الف. حقنة كده ده اللي ينفع معك مسلا يعني. فانت ازازة شرب دي للرضع. فبالزبط كده. اقول لك ورد انا عندي ورد ايه؟ انا بذكر ربنا ربع ساعة قبل ما انام - [00:52:00](#)



يا ابني ده عمل صالح. ده لا تحقرن من المعروف شيئا. ده عمل صالح. الورد ده حاجة كده لا طقوس. حاجة كده اقعد ومعك مصحفك ومعك كتيب الدعاء بتاعك ومعك كتيب الازكار بتاعك. زي مختصر النصيحة للدكتور محمد اسماعيل وقاعد مرقد لنفسك. قاعد بقى شف - 00:52:20

انا ولا انت؟ انا بقى ولا نفسي. قاعد بقى اشوف الشيطان ده اخرته معه ايه. قاعد بقى شف انا هموت لما اموت هاستعد لما بعد الموت ازاي قاعد بقى شف انا هفضل آآ انام الساعة اتنين بالليل اصحى العصر لحد امتى؟ امتى؟ لحد امتى افضل من غير عزيمة؟ قاعد بقى شف - 00:52:40

دي احاسبها ازاي ورايحة منين وجاية فين؟ قاعد بقى شف لحد امتى هافضل كده. قاعد بتاخذ قرارات ورد بتعبد ربنا وربنا بينور لك طريقك تخرج منه احضر دروس واحفظ قرآن بتخرج منه كانك التزمت لسه من اول وجديد النهاردة. بالظبط الشحن اللي بتتشحنوا فيه كانك لسة ملتزم - 00:53:00

فما تقوليش قبل ما انام قبل ما انام ده ده يا جماعة مش اسمه ورد ده عمل صالح. ازكار النوم قبل ما انام. ابقى اقرأ ورد القرآن قبل ما انام. الورد ده امتى؟ الورد ده امتى عندك - 00:53:20

المفروض بعد الفجر ما احنا عايزين امتى؟ بين اللي هيبقى طلقة واللي هيقضيها فلاشات رجل قدام قدامه رجل ورا، هو ده الفرق؟ ساعة ما هيتقفل عليك باب بيتك. هتقوم مجرش ولا هتقوم وتنصب قدميك لله - 00:53:30

الجهاد وتبدأ معركة الكيس ومن دان نفسه. معركتك مع نفسك. آآ يعني اتكلما عن الدرس العام اتكلما عن الجلسة الاسبوعية واتكلما ولقاء الاخوة مع بعضها وترباط الاخوة مع بعضها وان ده مش تضییع وقت ولا حاجة بالعكس ده مستقبل ده انت بتدي مستقبل لحياتك بازن الله - 00:53:50

الحاجة الثالثة اللي هي الاية؟ الورد السابت المقدس ورد العبادة السابت. المقدس اللي ربنا يفهمه بقى ده اللي ربنا رزقه الفهم. يعني انا اتكلمت على قد ما قدرت. كل واحد - 00:54:10

هات بقى ايه يعني يعني مرة بنتكلم باتكلم مع بعض الاخوة كده عن التضحية عشان الدعوة فلقيتهم الموضوع ده مش عندهم خالص. فالشيخ امين الانصاري كان معتكف معنا فبقول له يا شيخ امين كلمه. قال لي دي حاجات ما حدش يكلم حد فيها. دي حاجات لو ربنا ما رزقهاش للقلب العبد. ما حدش يقدر يوصلها له. دي حاجات - 00:54:20

هات اللي بيديها للعبد ربنا. ما حدش بيسأل حد. دي حب في قلبك لله سبحانه وتعالى. واتكلما عن اكبر مصيبتين ها الملتزمين اللي التلات حاجات دول علاج لهم. اللي التلات حاجات دول ايه؟ تلات خطوات حقيقية لنسف هاتين المشكلتين - 00:54:40

يعني هم هيخلصوا القصة؟ لا مش هيخلصوها. انما دول تلات خطوات حقيقية لنسف اللازمة اللي هي نسف. نسف بازن الله. بعد كده في خطوات وكان في خطوات بس دي البداية بازن الله قلنا مصيبة عدم السبات عدم الاية؟ سبات لا يا شيخ هيسم امبارح - 00:55:00

امبارح بيحضر دروس. الشيخ هيسم النهاردة جاي لك قبل الفطار ويقول لك ايه؟ سلام عليكم. كنت في الشغل يا جماعة. ها؟ ويقول لك يا عم احنا شغالين اتقوا ربنا وعاملين كنوز السنة اهو واللوحات عاملينها عايزين منا ايه؟ فكر اللي بيضيع بقى ان الاخ اول ما يبدأ يشتغل في صغر الدين يستغنى عن حضور الدروس. ويستغنى عن حضور - 00:55:20

خلاص يا اخواني؟ الشيخ هيثم اتظبط النهاردة. يبقى يبقى المصيبة الاولى مصيبة عدم الثبات ان ما فيش حد بيكمل. والمصيبة الثانية مصيبة عدم الترقى ان ما فيش حد بيترقى. ما بتلاقيش الاخ النهاردة نازل جولات بعد سبع تمن شهور تلاقيه بيدي كلمات. بعد - 00:55:40

تلات سنين تلاقيه بدأ يعني ايه يشتغل بقى في الدعوة الفردية وينشط بعد اربع سنين تلاقيه يشتغل في طلب العلم ما بينقلش. الاخ ما بينقلش ما فيعني نسال الله سبحانه وتعالى السداد. حد يعرف يقول التلات نقط تاني؟ ها؟ تلات نقط ايه - 00:56:00

ما تقول يا جدع انت وهو. رقم واحد. حضور الاية؟ هت حضر؟ رقم اتنين؟ لسه. الجلسة الخاصة اللي هي بتاعة الاخوة رقم ثلاثة. الورد

السابت المقدس. تعرف تقول لي التلات حاجات؟ ها؟ حد يقول الدرس العام. هتضر - 00:56:20

رقم اتنين. الجلسة جلسة الاخوة السابطة بتاعة اخوانك في منطقتك. الورد السابت المقدس للتعبد ربنا يحفزكم يا اخواني. ربنا

يحفزكم من اللي غيركم بقى فيه. يعني اسأل الله سبحانه وتعالى الا نثقل فيكم كما يعني ثكل فيمن كان قبلكم - 00:56:40

يعني نسأل الله سبحانه وتعالى ان لا يصيبكم ما اصاب الناس. سبحانه اللهم وبحمدك اشهد ان لا اله الا انت استغفر كل واحد بقى

ياخد ايه؟ ياخذ جنب ويقعد يعمل ايه؟ لا مش الورد ولا حاجة يقعد يعبد ربنا ويذكر ربنا بس ايه من غير هقة يا اخواني. اه اذكر

المساء بجد - 00:57:00

- 00:57:20